

يهلاله يهلاله أحمر تهل يهلاله محنة ومصايب و هموم وجهك بدت منه ارسوم

عجبة تهل يحرم اعلىنا سنين
مر وقهر غصة وكدر هم اونين
بعد المصيبة البيهنا ناح الثقلين
تهمل دما للوادم من نحر حسين

بـالأحزان بـالأحزان
تملينا محنة واشجان

كومة نوايح و غموم
وجهك بدت منه ارسوم

يا ساعد الله الزهرا وقت الهليت
قلب الرسول ابهمك انتة اتعديت
تفجع قلبها بالألم ما حسيت؟
ما ترحم ابجيتك تفت أهل البيت

تجرحهم تجرحهم
لَمَن تَهْل تَذبحهم

شالوا قميصه بالدموم
وجهك بدت منه ارسوم

شيعة علي تنظر إلك بالأحزان
تذكر عياله ونسوته بالحرمان
تذكر مصايب كربلا بالأشجان
تذكر عطيش اللي قضى عالكتبان

بالدمعة بالدمعة
تملي ابقا بهم لوعة

ناحوا حُسين المحروم
وجهك بدت منه ارسوم

شعندك يا شهر النايبة تأذينا
من نشهدك نار الحزن تجوينا
كلما يمر عام شعجب تالفينا
سيل الدمع والنوح أثر بينا

لمصايبه لمصايبه
مالك تفت احبابه

قلب المحب له ملجوم
وجهك بدت منه ارسوم

صورة شباب الناصروا للإسلام لكبر علي البيها ازدهى والجسام
صورة قمر يم النهر نازف هام صورة طفل يقطر دما من السهام

كم صورة كم صورة منك تأذي الحورا

واقع عفير المظلوم وجهك بدت منه ارسوم

صورة بدت من وجهك وبيها انروع سهم انطلق وسط النحر ضل مزروع
يلعب نشوف ابصره وحرّك الضلوع ما ينتزع الا بقفا ليه اطلوع

واتفجر واتفجر صدره بدما بو الأكبر

و أفجها القائد هالقوم وجهك بدت منه ارسوم